

ISƏTELASI TƏM TAKƏLAYA

Kutubtu

Tə naaki takəlaya kanə ka taa si, Pəəsi wulav səsə Silusi hawa Yuta nyəma ke nəğə si, pə məli pa tē Yosalem. Ye pa məlaa ilə pa tayanı ηmav ke İso təsele. Ama Yuta nyəma kolontunaa lanja ta heena İso təsele nite tə tayanuyu.

Takəlaya kanə ka taa seğesuyu səsəu ləηku nte si, İso yəlaa i layası layasuyu mayamaya. İlena pə kaası na pə tō təntē kəpante.

İsəna pa faya İsatəlası takəlaya tə:

Yuta nyəma məlvuy kancaalaya nyəm, titite 1-2

İso təsele tayanuyu na tə tūlvuy, titite 3-6

İsatəlası na Yuta nyəma ləlaa pa məlvuy, titite 7-10

Wulav Silusi ha nəğə si pə tayanı ηmāv ke İso təsele

¹ Məpəyü Tacaa tu i taa si i yoosiyi təm nti i ka yəğətəna İso kuyəğətətə teləsəlv Selemii nəğə təğə Pəəsi wulav səsə Silusi kawulaya pənaya kancaalaya nyəηka taa. İlena İso tu Silusi taa si i kpaalı i kawulaya taa na pə ηmaa takəlası taa si,

² Pəəsi wulav Silusi yəğətəa si: İsətəa İso Tacaa tənə ma niη taa kē antulinya tənə kawulası, na i tōm si mə tayanı ηmav ke i təsele ke Yuta tətə taa kē Yosalem.

³ Mə taa mpa pa kəna i yəlaa taa ləlaa? İso i wəe pəntənəa waalı na pə polo Yosalem ke Yuta na pə ηmə Tacaa İseyeli İso kē təyaya. İso inı i wəna Yosalem.

4 Timpi timpi İseyeli nyəma wəe tə, pə nyəma í ha-wəye liyitee na wula na wontu lenti na təla, na luyi külmuyi kücəñ na pá pona Yosalem na pá tayana İso təsele ke ñmav.

5 Mpyú Yuta na Pencamee pə ləlnə nyəñ nyəma, na kətəlaa na Lefii nyəma, na pa təna mpa pa taa Tacaa İso ka tıwa sı pá polo Yosalem tə pa sıv pa təyi tayanyıv sı pa təkı.

6 İena pa cələ nyəma ha-wəye nyəğəlyıv küpankú na wula pə wontu, na wontu küpantı lenti na təla. İso təsele nyəntı nti pa hana luyi külmuyi tə tə paasi.

7 Mpyú wulav səsə Silusi kota Tacaa kətaya wontu na í mələna Yosalem. Nepukanəsaa ka kuuna-təyi İso təsele na í sı-təyi i mağamağı i tıyıv kutuluıyı taa.

8 İena wulav heeli kpancoo tə nyənlı Mitəletatı sı: Cəla wontu ntəyi Yuta nyıyıv tı Seesepasaa.

9 Wontunaa mpa i cəla-i təğəle wula pələntənaa hiu na naanıwa na liyitee nyəğəlyıv nyəma ke iyaya (1000), na seesi ke pəğəlayafı hiu na naanıwa.

10 Na wula cəmsənaa ke hiu na naanıwa, na liyitee nyəğəlyıv tıñ nyəñkú cəmsənaa ke nasəle na naanıwa (410), na wontu lenti ke iyaya (1000).

11 Pə krenta wula na liyitee nyəğəlyıv pə wontu ke iyisi kakpası na nasəle (5400). Mpyú Seesepasaa na ləlaa pa kpağı wontu nti na pá məli Yosalem.

2

İseyeli nyəma mpa pa luna Paponi tə pa həla

1 Yuta tətıv həğəlyıv nyəma mpa wulav Nepukanəsaa ka kuıwa tə pa həla ntə. Pa taa

paɣale mələna Yosalem na Yuta tətə taa, paə wei ké ı
ıcaɛ taa.

² Mpa pa kraɣa-we na pá mələna tɔɣələ
Soloparəeli, na Yesuwa, na Nehemiyə, na Selayə,
na Lelayə, na Motokayi, na Pilisaŋ, na Misipaa, na
Pikifayi, na Lehum, na Paana. İseyeli ləlvəŋ nyəma
na pa yəlaa həla ntə.

³ Paləsi ləlvəŋ nyəma we iyisi naale na nunəwa na
nutoso na naanəwa na naale (2172).

⁴ Sefatiya nyəma ke ηmənuyə na nunəwa na nutoso
na naanəwa na naale (372).

⁵ Ala nyəma ke nasətoso na nunəwa na nutoso na
naanəwa na kakpası (775).

⁶ Pahatı-Mowarə nyəma ke iyisi naale na nunaasa
na naanəwa na naale (2812). Yesuwa na Yowarə pa
ləlvəŋ nyəma nté.

⁷ İlam nyəma ke iyaya na ηmənuyə na nule na
naanəwa na liyiti (1254).

⁸ Satu nyəma ke nasənaasa na nunəwa na nule na
kakpası (945).

⁹ Sakayi nyəma ke nasətoso na nunəwa na nutoso
(760).

¹⁰ Pani nyəma ke nasətoso na nule na naale (642).

¹¹ Pəpayı nyəma ke nasətoso na hiu na tooso (623).

¹² Asəkati nyəma ke iyaya na ηmənuyə na hiu na
naale (1222).

¹³ Atonikam nyəma ke iyaya na nutoso na naatoso
(666).

¹⁴ Pikifayi nyəma ke iyisi naale na nule na naanəwa
na naatoso (2056).

¹⁵ Ateŋ nyəma ke nasəle na nule na naanəwa na liyiti
(454).

¹⁶ Ateə nyəma ke pələfei nunəwa. Yehisikiya ləlvəŋ

nyóma nté.

¹⁷ Pesayi nyóma ke ημθυυ na nunuwa na hiu na tooso (323).

¹⁸ Yola nyóma ke nunuwa na naanuwa na naale (112).

¹⁹ Hasum nyóma ke ημθυυ na hiu na tooso (223).

²⁰ Kipaa nyóma ke nunaasa na naanuwa na kakpası.

²¹ Petəlehəm ıcate nyóma ke nunuwa na hiu na tooso (123).

²² Netofa ıcate nyóma ke nule na naanuwa na naatoso.

²³ Anatəti ıcate nyóma ke pəlefei nunuwa na hiu na naanuwa (128).

²⁴ Asəmafəti ıcate nyóma ke nule na naale.

²⁵ Kiliyatı-Yeyalim na Kefila na Peeləti pa acalee nyóma ke nasətosu na nunuwa na nule na tooso (743).

²⁶ Lama na Kəpa pa acalee nyóma ke nasətosu na hiu na kolum (621).

²⁷ Mikiması nyóma ke nunuwa na hiu na naale (122).

²⁸ Petəeli na Ayi pə nyóma ke ημθυυ na hiu na tooso (223).

²⁹ Nepo nyóma ke nule na naanuwa na naale.

³⁰ Makpisi nyóma ke nunuwa na nule na naanuwa na naatosu (156).

³¹ İlam ləlv nyóma ke iyaga na ημθυυ na nule na naanuwa na liyiti (1254).

³² Halim nyóma ke ημθυυ nunuwa na hiu (320).

³³ Lotı na Hatiti na Ono pə nyóma ke nasətosu na nunuwa na hiu na kakpası (725).

³⁴ Yeliko ıcate nyóma ke ημθυυ na nunuwa na nule na kakpası (345).

35 Senaa ıcatə nyəma ke iyisi tooso na nasətosə na hiu na naanəwa (3630).

36 Kətəlaa kpeka ntə. Yesuwa ləlvə nyəma Yetaya tēsi nyəma wə nasənaasa na nūnəwa na nutoso na naanəwa na tooso (973).

37 Imē ləlvə nyəma ke iyaya na nule na naanəwa na naale (1052).

38 Pasehuu nyəma ke iyaya na nasəle na nule na naatosompəɣəlaɣa (1247).

39 Halim ləlvə nyəma ke iyaya na naanəwa na naatosompəɣəlaɣa (1017).

40 Lefii nyəma kpeka ntə. Hatafəya ləlvə nyəma Yesuwa na Katəməyeli pəle pa nyəma wə nutoso na naanəwa na liyiti.

41 Iso təsele yonyoola ntə. Asafi ləlvə nyəma wə pələfei nūnəwa na hiu na naanəwa (128).

42 Iso təsele nənəsi tanlaa ntə. Salum, na Ate, na Taləmən, na Akupi, na Hatita, na Sopayi, pa ləlvə nyəma wə pəɣəlaɣafei nūnəwa na nule (139).

43 Iso təsele taa təma lataa səkpema ləlvə nyəmə ntə Siha, na Hasufa, na Tapawəti,

44 na Keləsi, na Siyaha, na Patən,

45 na Lepana, na Hakapa, na Akupi,

46 na Hakari, na Samlayi, na Hanaɣ,

47 na Kiteli, na Kahaa, na Leyaya,

48 na Lesən, na Nekota, na Kasam,

49 na Usa, na Paseyi, na Pesayi,

50 na Asəna, na Meunim, na Nefusim,

51 na Pakəpuki, na Hakufa, na Haluu,

52 na Pasiluti, na Mehita, na Haasa,

53 na Paakəsi, na Sisela, na Tema,

54 na Nesiya, na Hatifa.

55 Saloməŋ təmle lataa ləlvəyü nyəma nté Sotayi, na Sofeleti, na Peluta,

56 na Yaala, na Taakəŋ, na Kiteli,

57 na Sefatiya, na Hatili, na Pokéleti-Hasepayim, na Ami.

58 Iso təsele taa təmle lataa səkpema na Saloməŋ təmle lataa ləlvəyü nyəma krenta ħmənuyü nunəwa na nunaasa na naanəwa na naale (392).

59 Mpa pa luna Papiloni ke Teli-Mela, na Teli-Hası na Kelupi, na Atəŋ, na İmēe tə pa ta pəsi na pá keesi teu ke pa ləlvəŋ nyəma na pa cəsənəa təm si pə huli si pa ké İseyeli nyəma.

60 Pa tənə paa ké Telaya, na Topiya, na Nekota pa ləlvəŋ nyəma ké. Paa we nasətosə na nule na naanəwa na naale (652).

61 Kətəlaa ləlaa ka we ké isı mpa pa ta pəsi na pá huli si pa ké İseyeli nyəma tə. Mpeyele Hoƣaya na Hakəsı na Paasilayi. Mpi pə tə pa yaakaya kantəkaya nyəŋ ineyə mpu təyəle si l kƣaya Kalaati tu Paasilayi pələa taa ləlv.

62 Paa pəeka mpe inı pa həla ke kətəlaa nyəna taa ké pa ta na. Pə tə ké pa nyəna-weye asilima nyəma na pá kisina-we si pá taa la kətəlaa təmle.

63 Mpyü küfəne mayamaya kisina-we si pá taa təyə Iso kühav, haləna kətəlv nəyəlv ı mayası wala pee taka nna pa naakəna Iso luyü nyəntv tə na í na na pəcə.

64 İseyeli nyəma mpa pa luna Papiloni tə pa krenta iyisi nule na naale na ħmənuyü nunəwa na nutosə (42360).

65 Pa taa kaləna təmle nyəma apalaa na alaa mpa paa we iyisi naatosompəyəlaya na ħmənuyü na nunəwa na hiu na naanəwa na naatosompəyəlaya

(7337) tə. Pa taa ka wε yonyoolaa apalu nyəma na alu nyəma ke ηmυnyu (200).

⁶⁶ Na kpayanəη ke nasətosə na nunuwa na hiu na naanuwa na naatosə (736), na kpayanəη kypəsəη*fa* ke ηmυnyu na nule na kakpası (245).
^a wε hekv na hekv ké. I ta ké kpayanu, pəcə i ta ke kpaηaya.

⁶⁷ Yooyoonaa ke nasəle na hiu na naanuwa na kakpası (435), na kpaηası ke iyisi naatosə na nasətosə na nunuwa na hiu (6720).

⁶⁸ Waatu wei pa tala Yosalem timpi Isə təsəele wεε tə, ulena lυləη nyəəη nyəma lelaa ha kuvəəη na luyu kulυmuyυ sı pá ηmana Isə təsəele ke tə lonte kypəntə taa.

⁶⁹ Mpyúyú pa hawa isəna pa pəsaa tə sı pá ηmana Isə təsəele. Ulena pə lu wula nyəətu iyisi nutosə na kulυm (61000), na liyitee nyəətu kiloonaa iyisi naale na nasəle na nunuwa (2500). Na pá ha tətəyə kətəlaa capanaa nunuwa (100).

⁷⁰ Ulena kətəlaa na Lefii nyəma na mpa pa səηna Isə təma tə, na yonyoolaa na nənəəsı taηlaa na Isə təsəele taa təmlə lataa səkpema caya acaləe nna pa ha-wε tə a taa.

3

Yesuwa na Solopapəeli pa tayanəyi Isə sεεv

¹ Mpyúyú pə tala isətu naatosompəyəlaya nyəη, ulena Isəyeli nyəma təna mpa paa məla acaləe taa tə pá koti nəyə kulυmaya ke Yosalem.

² Ulena Yosatakı pəyalυ kətulυ Yesuwa, na i tεεtυnaa na kətəlaa lelaa, na Selatəyeli pəyalυ Solopapəeli, na

^a **2:66 kpayanəη kypəsəη**: Pa yoosa kpayanu na kpaηaya na pə lυlι mpi təyə pa yaa mpυ. I

ı luluɣu nyəma pa niki İso kətaya təlatə ke ηmav sı pa lakı kətasi nsi kəkə lusa sı tənə tə, İsu pa keesuyu İso yulə Moisi kiin taa tə.

³ Paa na pa cələ piitimnaa caakaya-weye nyaasuyu tə, pa ηmawa kətaya təlatə ke tə lonte taa na pá lakı Taca ke kətasi nsi kəkə lusa sı tənə təyö tə tə ke tanaη na taanaya.

⁴ Pə waalı kə pa təya coka acima İsu paa keesuyu tə na pá lakı kətaya ηka kəkə lusa ka tənə təyö təm İəna paa suwa paa kuyaku ηku tə.

⁵ Pə krayav waatu inı təyö paa suv paa kuyaku ηku ku kətasi lapv ke tam, na nsi pa lakı paa İətv wei ı kancaalaya kuyaku tə, na Taca acima kuyeyη nyənsı, na luyv kuləmuyv nyənsı.

⁶ Mpuv pə yelina na pá caalı kətasi nsi kəkə lusa sı tənə təyö lapv ke Taca ke İətv naatosompəyölaya nyəη kuyaku kancaalaya nyəηku wule, na pá ta tu suta İso təsele kvfate kite.

⁷ Pəle pə waalı kə pa caa təmlə nyəma sı pá saakəyi taası na pəe na pá feli-we. İlena pá cəla Sitəη na Tii nyəma ke təyənaya na kuyənyəəm na nim sı pəle pá tilina-weye kpenkpelası kupaηsı na tenku taa sı pə tala Safaη. Pəesi wulav səsə Silusi hana-weye pə mpaav.

⁸ Mpuğyú pa məla Yosalem taa, na pənaya naale nyəηka İətv naale nyəη siki. İlena Selatəyeli pəyalv Solopapeeli, na Yosataki pəyalv Yesuwa, na ı tətənaa kətəlaa ləlaa, na Lefii nyəma mpa pa luna Papiloni tə, pa niki təmlə na pá ləsi Lefii nyəma mpa pa tala İsu pusi hiu na waalı tə sı pá paasəna İso təsele ηmav.

⁹ Mpuğyú Lefii tv Yesuwa na ı pəyalaa na ı tətənaa, na Hotafiya luluɣu tv Katəməyeli na ı pəyalaa pa

kpenta nəyo na pá mu Iso təsele təmle lataa paasənav. Na Henatati ləlyu nyəma Lefii nyəma səna-wə.

¹⁰ Waatu wei Iso təsele ηmalaa su kite, ləna pá kəna kətəlaa na pá suu pa kətəya wontu na Lefii nyəma mpa pa ké Asafi ləlyu nyəma tə na akantee na cəməη na pá saη Tacaa isu lseyeli wulav Tafiiti ka suu tə.

¹¹ ləna pá saη Tacaa na pá puyuləyi-i na pá yooki yontu na pá kaasəyi təma si: Tacaa wə teu, na i səluyu ke lseyeli fei tənaya. Mpyúy samaa ná puyula-i tətə na kawilitasi səsənsi. Mpi tə, pa su pa Iso təsele kite.

¹² Mpyúy kətəlaa na Lefii nyəma payale na ləlyη nyəη nyəma kukpatəlaa mpa paa nyəma Iso təsele kypəntə tə pa wiiwa təkpo ke saa wei pa təηna kəfate kite ke suu tə. Ama ləlaa ná wilitaya ké na laηhuləmle səsəle.

¹³ Halı yulu u pəsəyi na í faya ləlaa laηhuləmle na kawilitasi na ləlaa wula. Mpi tə, pa makaya kapusi səsənsi ké na pə nukı pooluη.

4

Yuta nyəma kolontunaa səηsa Iso təsele ηmav

¹ Mpyúy lseyeli nyəma kolontunaa nuwa si, Yuta na Pəncaməe pə nyəma kəmnə Papiloni, na pá ηmaaki timpi paa sē Tacaa Iso tə.

² ləna pá polo na pá mayana Solopareeli na ləlyη nyəη nyəma na pá tə-wə si: Tá luyu wē si tē sənə-meyə Iso təsele nte tə ηmav. Ta mayamaya tə seəkaya Iso kuləm inəyi na tē lakı-i kətasi ke hatoo kuyanku Asilii wulav Asalatəη kəna-tuyu cəne tə.

³ Ama Solopareeli na Yesuwa na lseyeli ləlyη nyəη nyəma ləlaa pa cəwa si: Pə ta muna si í sənə-tu

na tə ηma tá Isə ke təsele. Ta tike tu ηmana-ı. Mpi tə, pə ké tá Isə Tacaa təsele ké. Peesi wulav səsə Silusi mayamaya ka su rıbrıyú.

⁴ Mbrıyú kolontunaa mpe pa mayasaa sı pa nyaasəyi Yuta nyəma na pə yəəlı pa apalutv na pá yele Isə təsele ηmav.

⁵ Haləna pá ha wulav waalı nyəma ke liyitee sı pá wakəli Yuta nyəma təmlə ke pə kpaγav Peesi wulav Silusi pəəle haləna pə tala Taliyusi waatv.

Pa kula Yuta nyəma waalı ke wulav Atakəsese kiη

⁶ Mbrıyú Yuta nyəma kolontunaa ηmaa Atakəsese ke takəlaya ke ı kawulaya kancaalaya waatv na pá suu Yosalem na Yuta tetv nyəma ke təm.

⁷ İlena Piselam, na Mitəletati, na Tapeyeı, na pa taapalaa pá ηmaa wulav Atakəsese tətə na Alaamee təm taa na tə ηmaatv pee.

⁸ Mbrıyú həyəluyv ηkv kv kvfəne Lehum na ı takəlası ηmaalv Simesayi pa ηmaawa wulav Atakəsese tətəyə Yosalem təm sı:

⁹ Taya həyəluyv kvfəne Lehum na ı waalı tv Simesayi, na tá taapalaa mpa ta tə wε Tıη, na Afasataki, na Taapeli na Afalası, na İleki, na Papiloni, na Susi, na Teha, na İlam pə həyələη taa tə.

¹⁰ Na yəlaa ləlaa mpa Asilii wulav səsə ləlv Asənapaa ka kpaγaa na í su Samalii acaləe taa na İfəlatı pəyə tetv kvkaasət v nti tə wəna ilim tətəle həyəluyv tə tə na lentənaa tə.

¹¹ Pa takəlaya ηke ka taa təm nté sı: Tacaa wulav Atakəsese, taya nyá təmlə nyəma mpa pa wəna İfəlatı pəyə kvten η na cəne tə tə.

¹² Ta heeliyina-η sı Yuta nyəma mpa pa lu nyá tε tə pa tala Yosalem cəne na pa taa wε sı pa tayənaəyi

yəlaa asayaa na təə kəllaa ıcate nteye ηman. Halı pa təma kolunja kite ke tayanuyyu na pə ηmaaki.

¹³ Taca, nyı teu sı ye yəlaa pane pa ηmá pa ıcate na tə koloosi, ıcate nyəma kaa tasa lampuunaa fəlvuy na liyitee kaa wəe kawulaya kpancoou taa.

¹⁴ Pə təə ké ta mpa tə lapa nyoleleη na tə ké nyá təmle nyəma tə, ye tə nyənəyi ıəna paa tuyuna-η tə pə wuki-tu. İle tə mayasəyi ké sı

¹⁵ η pəeki nyá caanaa takəlası kupaηsı taa, n ká mayana sı ıcate təne tə yəlaa ké asayaa ké. Tuu tə tə yəlaa ta həesi wulav səsə na həyölvuy küfənee ke wakəlvuy, na tə yəlaa küləyi təma təə ké tam ké. Pə mayamaya pə təə ké tə yəkaa.

¹⁶ Taca, tə kpaaləyi-η sı, ye ıcate təne na tə koloosi pə ηmawa, n kaa pəsi İfəlatı pəyö həyölvuy küne.

Wulav Atakəseseε kvəcətv

¹⁷ Wulav səsə ηmaawa küfənee Lehum na ı takəlası ηmaalv Simesayi na pa taapalaa mpa pa sı Samalii na İfəlatı pəyö koteη tetv taa tə sı: Ma nyəma me, ma sεε-me.

¹⁸ Takəlaya ηka ı ηmaa-m tə pa teləsa-ke na pa kalam.

¹⁹ Ma yelaa na pa pəeki ıcate nte tə təm na pə ná tampana sı hatoo tə, Yosalem ıcate nyəma küləyi əwulaa təə ké tam ké.

²⁰ Pə kaasa ıcate ηté tə, əwulaa napəli pa təkayana kawulaya na pə ηmakələyi həyölvuy ηkv kü nyəma, na pə muyi-wəye lampuunaa na pə fələyi-wε na pəcó pə svuki pa tetv taa.

²¹ Mpu tə, İ heeli Yuta nyəma sı pə səη na má hawa nəyö İle pəcó paa ηmá.

²² İ paasəna teu yoo, İ taa too təm nti tə təə. Pə taa kəə na pə tasa-tuyv wakəlvuy tətə.

²³ Тоо isı Lehum na ı takəlası ηmaabı Simesayi na pa taapalaa pa kalıyın wulav takəlaya tə, pu lakı-weyge ləh. Tənağa pa pola kprakpa na pá cáalı Yuta nyəma na təm ntı tə toh sı pá yele ηmav.

Pa tayanəyi Isə təsele ke ηmav

²⁴ Μρύγύ Yosalem Isə təsele ηmav səhaa haləna pə tala Peesı wulav Taliyusi kawulaya pənağa naale nyəhka.

5

¹ Μρύγύ kuyaku nakulı Isə kuyəyətutı teləsulı Asee na Itoo pəyalı Isə kuyəyətutı teləsulı Sakalı pa polaa na pá yəyətəna Yuta na Yosalem nyəma na İseyelı Isə nəyə.

² Uena Selatəyelı pəyalı Solopapeelı na Yosatakı pəyalı Yesuwa pá niki Isə təsele ηmav ke Yosalem, na Isə kuyəyətutı teləsəlaa səna-wə.

³ Tənağale İfəlatı pəyə həyəluyı kufənəe Tatənayi, na Seta-Posənayi, na pa taapalaa pa polaa na pá pəsı Yuta nyəma sı: Awe ha-meyə mpaav sı í ηmá Isə təsele na koloosi?

⁴ Pə wəe sı í heeli-toy mpa mpa pa ηmaakı isəntə tə pa həla.

⁵ Ama Isə wə Yuta nyuyı nyəma waalı, ilə pa ta pəsı pá səhı pa təmlə, haləna pá heeli wulav Taliyusi ke pə təm na í cə-wə.

Yuta nyəma kolontunaa kula pa waalı

⁶ Takəlaya ηka İfəlatı tetı kufənəe Tatənayi na Seta-Posənayi na ı taapalaa həyəluyı nyəyη nyəma pa ηmaa wulav səsə Taliyusi təyələ

⁷ sı:

Tacaawulav səsə Taliyusi, tə səe-η, nyana tetı.

⁸ Tə pola Yuta ke İso təseele tərma le na tət mayana pa tərna-təye ηmau na pəe kusaakee. Pa kama kpenkpelası ke koloosi taa. Pa təmlə tewaya, na tət tərna lapu ke lənlə.

⁹ Mpyúyú tə nawa nyuyú nyəma na tət pəəsi-wəye wei i ha-wəye nəyo sı pá ηma İso təseele na pə koloosi tət.

¹⁰ Halı tə pəəsi-wəye mpa pa ké təmlə nyuyú nyəma tət pa həla sı tə ηmaaki na tət kəna-η.

¹¹ İlena pá cə-tu sı: Tət ké isətəa na atə pə İso təmlə nyəma ké. Tət kusəyi İso təseele nte İseyeli wulav səso nəyolu i ka ηmawa ləntaa təyo.

¹² Ama tá caanaa kusa isətəa İso páána na íle i tu-tuyú Papiloni wulav Nepukanəsaa niη taa na í wakəli İso təseele nte, na í kuu yəlaa na í tənə i tē.

¹³ Pə waalı ké wulav Silusi ná ha nəyo ke íle i kawulaya pənaya kancaalaya nyəηka taa sı tət tayanı-təye ηmau.

¹⁴ Nepukanəsaa ná kuu İso təseele nte tət taa wola na nyəətu kupantu na pə wontu ké, na í pona Papiloni na í sı i tuyú kutuluyú taa. Ama wulav səso Silusi ná kpayə-ti na í cəla Sesepasaa wei i kpawa Yuta kəfənəe tət.

¹⁵ Na í heeli-i sı: İ polo í ηma İso təseele nteye tət lonte kəpəntə taa. İlena pá sı wontu ntəyi pə taa.

¹⁶ Mpu pə lapəna na Sesepasaa polo Yosalem na í taalı İso təseele kite. Pə kpayəu waatu inı tət pa təmlə tərna pote ké. Ama pə ta tēntə.

¹⁷ Pənəntə ta caa, ye le na pá pəkki Papiloni kawulaya takəlası taa na tət ná sı Silusi ha nəyo ke tampana sı pá ηma Yosalem İso təseele nte yaa isəna. Ye n tēma mpu, ilə n heeli-tuyú nti n mayasaa tət.

6

Wulav Taliyusi kvcəcətv

¹ Mprýýú wulav səsə Taliyusi tv yəlaa sı pá preekı Papiloni ıcate taa ké timpı pa suki ləñ takəlası na wontu kúpantv tə.

² Ama Metii həğələyü kolonja ıcate İpatanı taa ké pa hii takəlaya nakəli na pá ηmaa ka taa sı:

³ Wulav Silusi ka kpaala ι kawulaya pənaɣa kancaalaya nyəñka taa sı, paa tayanı İso təseəle ηmav ke tə kite kúpəntə təə ké Yosalem na pá laki tə taa ké kətasi. Tə kəñkəlməñ ká wəe məetələnaa hiu na naanəwa na tə wañ ke mpv tətə.

⁴ Paa ηma pəe kvsaakee ke cəesi tooso ké, na kpeñkpelası ke cəeɣa. Kawulaya kpancoou liɣitee ke paa lana.

⁵ Wula na nyəğətv kúpantv wontu nti wulav Nepukanəsaa ka kpaɣa Yosalem İso təseəle taa na í pona Papiloni tə, paa məñna-tı na pá su-təɣı tə lona təa.

⁶ Mpuɣule Taliyusi ηmaa takəlaya ke İfəlatı pəğə tetv nyuyv tv Tatənayi na Seta-Posənayi na pa taapalaa həğələyü nyuyv nyəma sı: İ yele təm nti.

⁷ Pə wəe sı pá yele Yuta nyəma ké təpamm na pá ηma İso təseəle. Tetv tv na Yuta nyuyv nyəma í səna na pá ηma-təɣə tə lonte kúpəntə taa.

⁸ Ma caa sı í səna-wəɣə tə ηmav taa, na í feñ na í ləsəɣı kawulaya kpancoou taa lampuunaa mpa yəlaa fəlaa tə na í cələyı-wə, na təmlə í taa səñ.

⁹ İ paasəna teu na í cələyı Yosalem kətəlaa ke mpi pa nyuləyı tə, İsu latəcənəa na İwaanə na İwəesi nsi pa lakəna kətasi ke İsətəa İso tə, na təğənaya na təm na nim.

10 Waatu inəyi paa pəsi na pá lakı İso ké kətasi nsi sı we-ı səəsən tə, na pá sələməna wulav səso má na ma pəyalaa.

11 Ye wei ı ta təη ma təm tənε, maa yele na pá ləsi ı təyaya tesika na pá siki na pá həkə-ı ka nyuyv taa na pá pəsi ı təyaya ke hute.

12 Ye wulav nəğəlv yaa piitim napəli pə caa pə yəki İso təseεe nté yaa pə kisi ma təm, İso wei inı ı we Yosalem tə inı ı ka həna pəntv ηkpaηuyv. Taliyusi má, ma suna mpv. ı təη tə təna tətetete.

13 Μρύγύ İfəlatı pəğə tetv nyuyv tv Tatənayı na Setə-Posənayı na pa taapalaa pa təηa Taliyusi təm ntəyi teitei.

İso təseεe tvlyv

14 Μρύγύ İso kvəğətətv teləsvlv Asee, na İtoo pəyalv İso kvəğətətv teləsvlv Sakalı pa tasa Yuta nyéma ke apalətv na pá tēsi İso təseεe ηmav na alaafəya, İsu İseyeli İso ka suv na Peesi awulaa səsa Silusi na Taliyusi na Atakəseseεe paa yəğətuyv tə.

15 Μρύγύ pa tēsa İso təseεe ηmav ke pa te isətv Ataa kvəyeη tooso wule ke Taliyusi kawulaya pənaya naatosə nyəηka taa.

16 İlena Yuta nyéma təna, paa kətəlaa na Lefi nyéma ləlaa mpa pa lına Papilonı tə, pa təğə İso təseεe tvlyv acıma na lanηvlvmlε səsoəle.

17 Na pá la Tacaa ke kətaya ke wəle nteye latəcenaa nınuwa (100), na İwaanη ke ηmənuyv (200), na İweesi ke nasəle (400), na pəηtvlvη ke naanəwa na naale. Paa İseyeli kpekəle nteye kulvmyv, sı İso í husı pa təna pa isayətv.

18 Mı́rúyú pa faya kətəlaa na Lefii nyəma ke kpeka na pə́ kəesəna pa təma ke Isə təmle taa ké Yosalem ke teitei isı pa kəesuyv Moisi takəlaya taa tə.

Yuta nyəma təkı Təev acıma

19 Mı́rúyú pa təna mpa pa luna Papiloni tə pa təyə Təev acıma ke pa pənaya naale nyəhka isətv kancaalaya nyəh taa.

20 Na kətəlaa na Lefii nyəma pa krentı na pá la nyəh tə asilima kəeluyv kətəya na pa təna pá wəe tənəh. İlena Lefii nyəma kv pa na kətəlaa na İseyeli nyəma pa təw kə Təev acıma iwəesı isı pa tu lakı tə.

21 Mı́rúyú mpa pa luna Papiloni tə, na mpa pa kisa cefelitu na pá krentəna pa tətənaa ke İseyeli İsə səev taa tə pa təna pa təyə Təev acıma.

22 Pə waalı kə pa təyə kəkvsəm feı kakalası acıma ke kvyeəh naatosompəyələya na lanhuləmle. Pa lanhuləmle nyuyv nté sı Tacaa ka lapa na wulav lanle hēena-wə. Mpv pə hana-wəyε apalətv na pá niki İsə təsəele ηmav.

7

Kətvlv Isətəlası təm

1-6 Pəesı wulav səsə Atakəseseε kawulaya waatv taa ké nəyəlv wei pa yaa sı Isətəlası tə ı luna Papiloni. İ ka ké Selaya pəyalv kə, ı ləlvuyv nyəma nté kətvlv səsə Aləh, na İlasaa, na Pənhası, na Apısuwa, na Puki, na Usı, na Selaya, na Melayətı, na Asalıya, na Amaləya, na Ahıtupı, na Satəkı, na Salum, na Hilikiya, na Asalıya. Isətəlası ka nyəmə takəlası kaluyv kə na í nyəmə İseyeli İsə kiıh wei ilé ı ka hula Moisi tə. Tacaa ka lapaya na Isətəlası nyuyv kəlv, na í sələma wulav ke mpi ilé ı la-wı.

7 Waatv wei İseyeli yəlaa, na kətəlaa, na Lefii nyəma, na yonyoolaa, na İso təseəle nənəəsi tanlaa, na pə təmlə nyəma səkpema məla Yosalem ke Atakəseseə kawulaya pənaya naatosompəyəlaya nyəhka taa

8 təyə İsatəlası tala Yosalem ke pa kiñ ke isətv kakpası nyəh taa.

9 İso tv kancaalaya nyəh kuyaku kancaalaya nyəhku ke i ka suwa si i ká kulı Papiloni. İlena İso kenti i təə na í tala Yosalem ke isətv kakpası nyəh kuyaku kancaalaya nyəhku.

10 İsatəlası ka seesa isəle na Tacaa təm kaluyv ké, na tə taa welisuyv, na í təkə-ti na í seyesəyi İseyeli nyəma ke İso kiñ na i kusəsutv.

Təma nna Atakəseseə tv İsatəlası tə

11 Takəlaya hka wulav Atakəseseə hmaa kətəlv İsatəlası wei i ke Tacaa kiñ na i kətətətv pə tv təyəle si:

12 Məya awulaa wulav Atakəseseə, mə hmaana takəlaya kanəyə isətəta İso kiñ nyəntv kətəlv İsatəlası.

13 Ma caa si pá yele ma tətə tənə İseyeli nyəma mpa pa səəla Yosalem pote tə na nyana-we í tē. Pə kpaçav İso təmlə sənlaa na kətəlaa na Lefii nyəma tə.

14 Ma mayamaya na ma layatv tasəlaa naatosompəyəlaya tə tiliyina-ñ Yosalem ke Yuta tətə taa na h ná isəna yəlaa paasəyəna nyá İso wei i kiñ n təkə nyá niñ taa tə i təm tə.

15 Pəyele tv cəle-ñ wəla na liyitee nna mə na ma layatv tasəlaa tu ha İso wei i təseəle wə Yosalem taa tə.

16 Na h krentəna tətəyə liyitee na wəla wei Papiloni həyələyü nyəma caawa na nna İseyeli

nyəma na kətəlaa na Isə təmlə sənlaa hana luyū kulumuyū sı pá tayanəna Isə təseəle tə.

17 Ye n tala təna n ká yana latəcənaa, na ıwaan yaa ıwəesi, na pə təna mpi n ka lana hatəmütü kətasi na solum pə nyənsı ke mə Isə kətaya təlate təo ké Yosalem tə.

18 Pə waalı ıle nyana nyá taapalaa í ká lana liyitee na wula kukaasu ke ıəna Isə ká huli-mə tə.

19 İlena n su Isə təseəle taa ké Isə nyənasi nsi pa cəla-ı tə.

20 Ye pə wəe sı n tasa pələpuyū yarū ke pə təm taa, ıle kawulaya kpancoou taa ké n ká ləsi na n yana.

21 Mıpyú wulav səso Atakəseseə tasaa sı: Ma tıyı İfəlatı pəyo ilim tətule təo tetü kpancoon nyəma təna sı ye ıətaa Isə kiıı nyəntú kətulv Isətəlası í sələma mpi pá ları-ı-wəyı teitei.

22 Pá cəla-ı liyitee nyəğətü ke tənənəaa tooso, na təğənaya ke tənənəaa iyisi hiu na naanəwa (30000), na solum ke liitilinaa iyisi liyiti (4000), na nim ke liitilinaa ke iyisi liyiti (4000) tətə, na təm ke ıəna pa səlaa tə.

23 Paa la ısu Isə taa Isə keesuyū ı təseəle təm təyo teitei ké, pəcó pə taa kəə na Isə muna ma mayamaya yaa ma lələyū nyəma yaa ma tetü nyəma na pááná.

24 Pəle pə paasi tə kpaaləyı kpancoon nyəma təna sı pə fei sı pá mu lampuu ke kətəlaa yaa Lefii nyəma yaa yonyoolaa yaa Isə təseəle nənəəsi tanlaa yaa Isə təseəle təmlə nyəma səkpema taa nəğəlv.

25 Isətəlası nyaa la ısu Isə wei ı ləmayasəe n wəna tə, na n kpa mpa paa həkəna pəyo ilim tətule təo nyəma mpa pa təna pa nyəma nyá Isə kiıı tə, na mpa pəle pa ta nyəmi-ı tə, n huli-wəyε-ı.

26 Ama ye wei í kisa Iso na wulav pa kiinj ke təkuyv pa hə ı ηkpaηoyv ısu pə mənaa tə. Paa kuyv, paa təyənuyv, paa ı wənav ləkuyv, yaa saləka tuyv.

Isətəlası sɛɛv ke Iso

27 Mpyóyú Isətəlası sɛɛwa Iso sı: Ma sɛɛ ta Səsə Iso Taca ke timpi n tɔwa wulav səsə taa sı í kvsı Yosalem Iso təsɛɛɛ nyuyv tə.

28 Taca n lapa-m kɔpantv ke wulav na ı layatv tasəlaa na ı waali nyəma səsaa pa ısentaa. İlena nyá kentuyv mpi pə səsı maya apalvtv, na má kpeyeli İseyeli nyuyv nyəma tənə, na má na-wɛ tə polo Yosalem.

8

Isətəlası taapalaa

1 Mpyóyú Isətəlası yəyətəa sı: Má na yəlaa mpa tə lu Papiloni na tə polo Yosalem ke wulav səsə Atakəsɛsɛɛ kawulaya waatv taa təyələ:

2 Penhası ləlvuyv tv Kɛsəm, na İtamaa ləlvuyv tv Taniyɛɛli, na Tafiiti ləlvuyv tv Hatusı,

3 na Sekaniya pəyalaa taa ləlv na Paləki ləlvuyv tv Sakalı na ílé ı ləlvuyv taa yəlaa ke nunəwa na nule na naanəwa (150).

4 Na Pahatı-Mowapv ləlvuyv tv Selaya pəyalv İliyohenayi na pə səsəna yəlaa ηmənuyv (200).

5 Na Satu ləlvuyv tv Yasiyeli pəyalv Sekaniya na yəlaa ke ηmənuyv nunəwa (300),

6 na Atını ləlvuyv tv Yonataη pəyalv İpeti na yəlaa ke nule na naanəwa,

7 na İlam ləlvuyv tv Ataliya pəyalv Yesaya na yəlaa nutosə na naanəwa,

- 8 na Sefatiya luluyv tu Mikayəeli pəyalv Sepatiya na yəlaa nunaasa,
 9 na Yowarı luluyv tu Yehiyeli pəyalv Opatiya, na yəlaa ηmənuyv na pələfei hiu (218),
 10 na Pani luluyv tu Yosifiya pəyalv Selomiti na yəlaa nunuwa na nutoso (160),
 11 na Pepayi kpekəle tu Pepayi pəyalv Sakalı na yəlaa pələfei hiu na naanuwa,
 12 na Asəkati luluyv tu Hakatan pəyalv Yohanan na yəlaa ke nunuwa na naanuwa (110),
 13 na Atonikam ləlvə nyəma kantəkaya nyəma Uifeleti na Yehiyeli na Semaya na yəlaa nutoso,
 14 na Pikifayi luluyv nyəma Utayi na Sakuu na yəlaa nutoso na naanuwa.

Yosalem pote mpaav tayanuyv

15 Mpyúy Isətəlası tasaa sı: Ma kpeyela yəlaa tənaya ləv ηku ku təhəxəna Ahafa tə ku nəxə na tə siki tənaya kuyeyə tooso. Tənaya ma paasənaa sı sənlaa na kətəlaa paə wə pə taa. Ama Lefii tu nəxəlv ı fei.

16 Ntəna má tu təmlə ke nyuyv nyəma Uiyesee na Aləyeli na Semaya na Uənatan na Yalipi na Uənatan na Natan na Sakalı na Mesulam na kiiu seyxəslaa naale, Yoyalipi na Uənatan

17 na má heeli-wə sı: ı polo Kasifiya nyəma nyuyv tu Itoo tə na má keesi-meyə nti í ká heeli í na ı taapalaa na Isə təsele sənlaa mpa pa wə tənə tə. Uəna í kəna-tuyv tá Isə təsele təmlə lataa.

18 Mpyúy tá Isə kenta tá təə na pá pəsi na pá kəna Malii na Lefii pa luluyv tu Selepiya. Yakərv pəyalv kələ, ı pəyalaa na ı newaa pa wə pələfei hiu.

19 İlena pə səəsi Melali lələyü tü Hasapiya na Yesaya na ı newaa na pa pəyalaa, pa wε hiu.

20 Na pá kəna tətəyü yəlaa ηmənuyü na hiu (220) mpa pa ləsa İso təsəele sənlaa səkpema taa tə. Mpe inəyi Tafiiti na ı taapalaa paa cəla Lefii nyəma.

21 M'p'uyü ma təma sı tə həkə nəəsi ke tá tənaya Ahafa ləwü nəyü təna, na pə h'ılı sı tə pasa ta təyi ta İso isentaa, na ilé ı yele na tá na tá nyəma na tá wantu na tá mpaav la teu.

22 Pu wε-m fεele sı má yəyətü wulav na í yele na yoolaa na kpağanəy cəyalaa su-tuyü tá kolontunaa tə. Ama tə heela-ı təfoo sı tá İso kentiyi ı yəlaa təna tə ké, na í muyü p'áná na mpa pa ləkı-ı tə.

23 M'p'uyü tə həkə nəəsi na tə sələmı İso sı í waası-tu na ilé ı m'v tá kusələm'vü.

24 Pə waalı ké ma kpağa kətəlaa səsaa taa ké naan'wa na naale, na pə səəsəna Selepiya na Hasapiya na pa taapalaa ke naan'wa.

25 İlena má mayası pa isentaa ke liyitee nyəyətü na w'la na wantu k'p'antü nti wulav səso na ı layatü tasəlaa na ı waalı nyəma na tətü taa İseyeli nyəma ka hawa sı pá ηmana tá İso təsəele tə.

26 Na má cəle-wεye liyitee nyəyətü ke tənənəa hiu na tə wantu ke tənənəa tooso, na w'la ke tənənəa tooso tətə,

27 na w'la cəmsənəa ke hiu, pa liyitee wε isü w'la nyəyətü iyaya, na nyəyələyü kusəemuyü hεəsi nsi sı tewa isü w'la na sı muyü kəkə təyü naale.

28 M'p'uyü ma heela-wε sı: Teitei isü mə keü İso təmle lataa tə, mpv tətəyü wantu tənə tə ké İso nyəntü. Liyitee na w'lanəa pə ké luyü kol'muyü k'v'v'vü ηku yəlaa lapa mə cəsənəa İso Tacaa təyü.

29 İ paasəna kpancoou ηkuyv teu, haləna Yosalem. İ tala təna ilə ί mayası-təyi kətəlaa səsaa na Lefii nyəma na ləlvə nyəəη nyəma pa isentaa ké İso təsəele kutuluη lələη taa.

30 Μπόγύ kətəlaa na Lefii nyəma pa paasəna wəla na liyitee nna pa mayasa mpv tə, na wontu kəpantv nti na pá pona-təyi Yosalem ke ta İso təsəele taa.

Isətəlası-wε pa tate ke Yosalem

31 Μπόγύ tə kəla Ahafa ləəv nəγə ke isətv kancaalaya nyəη kuyeeη naanəwa na naale nyəηku wule na tə tee Yosalem. Tá İso ka wε tá waalı ké tá mpaav təna taa ké na ί təγəηəyi tá kolontunaa na ηmulaa mpa pa cəəsəyi-tv tə.

32 Tə tala Yosalem iləna tə hεεsi kuyeeη tooso.

33 İlena tə mayası liyitee nyəğətv na pə wontu kəpantv ke kuyaku liyiti nyəηku wule ke tá İso təsəele taa na tə cəla Uliya pəyalv kətəlv Meleməti wei na Pənhası pəyalv İlasaa paa wεε tə, na Lefii nyəma Yesuwa pəyalv Yosapatı na Pinuwi pəyalv Noyatiya.

34 Μπόγύ pa kala pə təna na pá mayası na pá ηmaa.

35 Pa təna mpa pa luna Papiloni tə mpe pa lapəna İso ké kətasi na İseyeli nyəma təna hətə taa ké latəcenaa naanəwa na naale na iwaaη ke nunaasa na naanəwa na naatosə, na pá la kətasi nsi kəkə lusa sı təna təγə iwεεsi nutoso na naanəwa na naatosompəγəlaya, na isayətv husuyv nyənsı ke pəηtuləη naanəwa na naale. Tacaa ke pa wəpa wontu nti tə təna.

36 Pəle pə waalı ké pa kεεsa nti wulav təwa İfəlatı pəγə na ilim tətule təə tetv nyəəη nyəma tə. İlena pεle pá səna İseyeli nyəma ke İso təsəele ηmav təm taa.

9

Yuta nyóma paǵale kpaǵav ke kpai alaa

¹ Pəle pə waalı ké nyuǵu nyóma napəli pa kəma na pá heeli-m sı paa İseyeli nyóma yaa kətəlaa yaa Lefii nyóma, pa ta faǵana tetu nyóma ma ta nyi isənaa, pa kəena acaalətu nti Kanaaη nyóma na Hiti nyóma na Peliisi nyóma na Yəpusi nyóma na Amoni nyóma na Mowarv nyóma na İcipiti nyóma na Amolii nyóma pa lakı təǵə.

² İseyeli nyóma na pa piya pa kpaǵa piitimnaa mpe pa taa ké alaa ké, haləna pana kpai nyóma mpe pa piitim siti. Pə taya nyuǵu nyóma na səsaa mpe pa caaləna kutakəesətu ntəǵı lapv.

³ Waatu wei ma nu təm nti, iləna ma laηle pəsi na má cəli ma kpai na ma wontu, na má kpesı ma nyəsı na ma tantuǵu na ma təli tamaya

⁴ ke mpv, haləna saa wei pa lakı taanaya kətaya tə. Mpyúy İseyeli nyóma mpa pa təna pa nyanaya sı İso ká hə mpa pa luna Papiloni tə pa ηkpaηuǵu ke pa isayatu tə tə, pa kəma na pá kotina-m.

Isətəlası sələmənəv ke asayaa

⁵ Mpyúy ma kula taanaya kətaya waatu na ma laηpəsəle nité, na ma təə na ma wontu kucələtu nti, na má luη akula na má teǵe ma İso Tacaa ke niη

⁶ na ma sələmı-ı sı: Hai, ma İso, ma laηle wakəlaa ké, fəele u tisiǵı sı má kvsı ma ise na má nyəni-η. Hai, tá isayatu kaa huǵule ké na té kaləsəna isətənuǵu na té liki-tv.

⁷ Too pə kpaǵav tá caanaa pəəle taa na pə sına saηa tə tə lapə isayatu səsəəntv ké. Pə təə ké awulaa kpai nyóma ηmakəla tá na tá awulaa na tá kətəlaa na pá

yoona-tu na pá kuu tana tá wontu isu saŋa pə wəv isəntə tə.

⁸ Ama nəənə Tacaa tá Isə nyá, nyá hula-tuyv pəlele ke wəe naale na ń yelee sı tá taa kukaasaa í məli na pá caya nyá tetv taa na ń ce-tuyv tá yomle na tá isəntaa həti na tə feesi təfuvv.

⁹ Tampana təə, tu ké yomaa ké, ile tá Isə nyá, n ta lə-tv. Nyá yelina na Pəesi awulaa səsaa na tá pətətəle na pá yelee sı tə məli tá wule taa, na tə kvsı nyá təsele ncaale na tə wəena təcəsəle kəpante ke Yosalem na Yuta taa.

¹⁰ Təv, tá Isə, wentiyi tu tasa yəyətuyv ke tənə tə təə? Tə taa təkı nyá kvsəsutu

¹¹ nti n teləsa-tu na nyá kvyəyətutv teləsəlaa nəyə tə. Halı n ka kpaala-tv sı tetv nti tə taa tə puki mpv tə tə ké asilima ké. Tə yəlaa ké acaaləŋ ké, ilena pá suuli-təyi acaalətv.

¹² Pəcə tə taa ha tá pəelaa ke tetv nti tə yəlaa piya yaa tə caa pa pəelaa ke tá pəyalaa. Pəyele tə taa pəeki pa alaafəya yaa isəna pu cayanə-wə tə. Waatv inəyi tu pəsi yəlaa tontunaa, na tetv tənə tə nyəma pəsi tá na tá piya tá nyəm.

¹³ Hai, Tacaa, tá yaasi isayav na tá kawalaya səsaya kənnə-tuyv wahala inə, paa na mpv n ta kəesəna tá isayav na ń feli-tv. Halı taya n kaasaa na n mələnə-tuyv cənə.

¹⁴ Ile isənəya tu tayanı kisuyv ke nyá kvsəsutu na tá na acaaləŋ piitim mpi tə kpakəyi təma? Ye tə lapa mpv, n kaa mv pááná na n kpiisi-tv?

¹⁵ Saŋa isəntə, kəpantv səsəntv ke n lapa-tv, na ń yelee sı tá taa kukaasaa í wəena weesiŋ. Tə səhna nteye nyá isəntaa na tá isayav, pəcə pə fei sı ń yelee yulv ke mpv na i weesuyv.

10

Yuta nyəma təğənyv ke krai alaa

¹ Waatv wei Isətəlası ná lunja Isə təseəle isentaa na í sələməyi na í wiikina Isə sı í waası-we, ləna Isəyeli nyəma tuutuuma, apalaa na alaa na piya pá kotina-i, na pá wii təkpo.

² Mprýú Ilam luluyv tv Yehiyeli pəyalv Sekaniya təma Isətəlası sı: Tə pəntəna Isə ké səsəm ke timpi tə kraya alaa krai nyəma təğə. Paa na mpv tə Isəyeli nyəma wəe na pá tēləyi.

³ İlə pə wəe sı tó su nəəsi ke Isə isentaa na tó təğəni alaa mpe pa təna na pa piya. Tu təğə layatv nti nyana mpa í təğəyi Isə kəsəsutv ke teu tə í tasa-tv təğə. Pə wəe sı tó təkı Isə kiiu ké.

⁴ Mpv tə, kulı na í təkı təm ntəyi niğ naale. Ta səəlv puwa sı tu wəe nyá waalı, taa la sika.

⁵ Mprýú Isətəlası kulaa na í tə kətəlaa nyuyv nyəma na Lefii nyəma na Isəyeli nyəma təna sı: İ su nəəsi sı í ká təğə nti Sekaniya yəğətə tə. İləna pa təna pá su mpv.

⁶ Mprýú Isətəlası kula Isə təseəle katəya taa na í polo İliyasipi pəyalv Yohanan te na í cəya. İ lanje wakələna i taapalaa isəyatv səsəəntv ke katatələya, haləna í kisi təğənəya na ləm.

⁷ İləna pá heeli Yosalem na Yuta tətə təna taa sı mpa pa luna Papiloni tə, pá koti Yosalem.

⁸ Ye kuyəğə tooso tēwə na nəğəlv ta polo isv nyuyv nyəma na səsaa pa sıw tə, isv pa lēka pəntv wənəv təna na pá ləsi-i lələa taa.

⁹ Kuyəğə tooso inı i taa ké Yuta na Pəncəməe apalaa pola Yosalem ke isətə pəğələyəfəi nyəğə kuyəku hiu nyəğəku wule, na pá koti Isə təseəle katəya taa na pa

təna pə seliyi təm nti tə tə. Pəcə pə kaası tɛv tənə nuw tətə.

10 Mpuɣule Isətəlası kulaa na í tə-we si: Iseɣeli nyəma me, í kpaɣav kpaɣi alaa mpe tə, í lapa isayatu səsəntu ké. Isayatu ke í səsəyi tá yəlaa nyəntu tə.

11 Pənente pə we si paa wei í ná kawalaya ŋka ɪ lapa tá cəsənaa Isə Tacaa tə, na í təkɪ ɪ luyɪ nyəntu na mənə tətə tənə tə nyəma í taa kaa pulɔ, na í kisi mə alaa mpe.

12 Ntəna kotilaa tənə krenti na pə yəɣətəna nəɣə səsaya si: Tampana ke n yəɣətə, tu la isɪ n yəɣətɔyɔ tə.

13 Pəyele tə we paɣale, anɪ pə ké yoluma ntə, pə fei si tə səŋ mpuɣɔ awali. Pə kaası ile pə taɣa kuyaku kulɔmɔyɔ yaa naale taa ké tá təm ká taɣanɪ. Mpi tə, tá paɣale wenna tə taa.

14 Mpu tə, tá nyɔyɔ nyəma í səŋna Iseɣeli nyəma tənə nəɣə na pə si mpa pa kpaɣa kpaɣi alaa mpe təɣə kuyaku ŋku paa polo pə na pa acaləe səsaa na pə huɔlaa pa kiŋ tə. İlena tə paasəna təm nti, haləna Tacaa heesi ɪ pääná səsəna ke tá tə.

15 Mpuɣɔ pa tənə pa mu təm nti. Ama Asayeli pəyalɔ Yonatan na Tikifa pəyalɔ Yasiya pa kisina. İlena Mesulam na Lefii tɔ Sapetayi pə sɛəna pa tə.

16 Pa tənə mpa pa luna Papiloni tə pa mu-təyi mpu, ɪlena kətulɔ Isətəlası ləsi paa lɔlɔyɔ ŋku ku taa ké nyəŋ nyəma, na mpe ɪni pə caya isətɔ naanɔwa nyəŋ kuyaku kancaalaya nyəŋku wule si pa taɣanəyi təm nti tə tənə.

17 Mpuɣɔ pa tɛma kpaɣi alaa mpe pa təm huɔ ke pənaya naale nyəŋka isətɔ kancaalaya nyəŋ kuyaku kancaalaya nyəŋku wule.

Yuta nyəma mpa pa kpaɣa kpaɣi alaa tə pa həla

18 Kətəlaa mpa pa kpaɣa cefelinaa təɣələ Yesuwa lələvə nyəma na ı newaa, Yosataki pəyalaa, Maaseya, na İliyesee, na Yalipi, na Ketaliya.

19 Mprügü pa tisa na pá kisi pa alaa mpe na pá lá İso kətəɣa ke ıwaav na İso hısi pa ısaɣatı.

20 İmee lələvə nyəma Hanani, na Sepatiya,

21 na Halim lələvə nyəma Maaseya, İliya, na Semaya, na Yehiyeli, na Usiya,

22 na Pəsehuu lələvə nyəma İliyohenayi, na Maaseya, na İsəmayeli, na Netaneyeli, na Yosapatı, na İlasaa.

23 Lefii nyəma taa ka we Yosapatı, na Simeyi, na Kelaya wei pa ɣaa tətə sı Kelita tə, na Petahiya, na Yehuta na İliyesee.

24 Yonyoolaa taa ké İliyasipi. Nənəəsi tənlaa taa ké Salum, na Telem, na Ulii.

25 İseyeli nyəma İelaa taa ka we Paləsi lələvə nyəma, Lamiya, na İsiya, na Maləkiya, na Miyaməñ, na İlasaa, na Maləkiya, na Penaya,

26 na İlam lələvə nyəma, Mataniya, na Sakalı, na Yehiyeli, na Apəti, na Yeleməti, na İliya,

27 na Satu lələvə nyəma, İliyohenayi, na İliyasipi, na Mataniya, na Yeloməti, na Sapatı, na Asisa,

28 na Pəpayi lələvə nyəma, Yohanəñ, na Hananiya, na Sapayi, na Atəlayi,

29 na Pani lələvə nyəma, Mesulam, na Maluki, na Ataya, na Yasupi, na Seyalı, na Yeleməti,

30 na Pəhatı-Mowarv lələvə nyəma, Atəna, na Kelalı, na Penaya, na Maaseya, na Mataniya, na Pəsələli, na Pinuwi, na Manasee,

31 na Halim lələvə nyəma, İliyesee, na İsiya, na Maləkiya, na Semaya, na Simon,

32 na Pəncaməe, na Maluki, na Semaliya,

33 na Hasum lülvyv nyóma, Matenayi, na Matata, na Sapati, na Ilifeleti, na Yelemayi, na Manasee, na Simeyi,

34 na Pani lülvyv nyóma, Maatayi, na Aməlam, na Uveli,

35 na Penaya, na Petiya, na Keluhu,

36 na Faniya, na Meleməti, na Iliyasipi,

37 na Mataniya, na Matenayi, na Yasayi,

38 na Pani, na Pinuwi, na Simeyi,

39 na Selemiya, na Natan, na Ataya,

40 na Makənatəpayi, na Sasayi, Salayi,

41 na Asaləli, na Selemiya, na Semaliya,

42 na Salum, na Amaliya, na Yosəəfv,

43 na Nepo lülvyv nyóma, Yeiyei, na Matatiya, na Sapati na Sepina, na Yatayi, na Sowəeli, na Penaya.

44 Panə inı pa təna pa krayana alaa krai nyóma, halı pa taa ləlaa na lula piya.

PIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 18 Apr 2025 from source files dated 31 Aug 2023

ef14191a-91f7-51c1-ac89-7b93dd7c4377